



Mac 27, 2011

## Usaha dan Keberhasilan yang Membanggakan

**KUALA LUMPUR:** Selaras dengan hasrat kerajaan untuk mencapai keberhasilan yang ketara dengan pantas selepas pelancaran rasmi Program Transformasi Kerajaan (GTP) pada Januari 28, 2010, Perdana Menteri Dato' Sri Mohd Najib bin Tun Haji Abdul Razak hari ini membentangkan kepada umum hasil pencapaian tahun pertama GTP seperti mana yang dijanjikannya.

“Taraf keberhasilan yang telah dicapai dalam tahun pertama implimentasi GTP amat memuaskan,” kata Najib. “Dan kami amat bangga dengan prestasi pencapaian-pencapaian yang ketara yang dapat kami lihat di dalam inisiatif-inisiatif Bidang Keberhasilan Utama Negara (NKRA). Di dalam kesemua NKRA, terdapat banyak pencapaian yang berlaku buat pertama kali dalam sejarah negara ini. Petunjuk-petunjuk Prestasi Utama Negara (NKPIs) juga bukan sahaja mampu mencapai sasaran masing-masing tetapi ada juga yang telah melebihi sasaran mereka.”

“Daripada menetapkan sasaran yang kami dapat capai dengan mudah, kami telah meletakkan satu cabaran yang boleh dikatakan mustahil untuk dicapai supaya Malaysia dapat digerakkan ke hadapan secepat mungkin untuk mencapai Wawasan 2020 (apabila negara mencapai taraf negara maju). Dalam pada itu, GTP, yang merupakan satu program transformasi yang perkasa telah dirancang untuk mentransformasikan cara kerajaan menyampaikan perkhidmatan-perkhidmatannya kepada Rakyat supaya masalah-masalah Rakyat dapat diatasi dengan penyelesaian yang lebih cepat dan berkesan. Apabila ini dicapai, ekonomi dan keadaan sosial negara dapat digerakkan ke hadapan dengan lebih teratur.”

“Sebagai satu usaha untuk memperbaiki kualiti penyampaian perkhidmatannya kepada Rakyat, fokus utama GTP ialah untuk menyampaikan keberhasilan yang ketara yang mampu dirasai oleh masyarakat umum. Pelan halatuju GTP mengandungi program-program yang mempunyai inisiatif-inisiatif yang tersendiri. Ia adalah lebih daripada satu pelan makro,” kata Najib. “Semua inisiatif-inisiatif GTP adalah sejajar dengan prinsip **1Malaysia, Rakyat Didahulukan, Pencapaian Diutamakan**.”

Merujuk kepada pengalaman lepas, perbezaan terbukti merupakan faktor utama program ini telah diteg sebagai tiada yang seumpamanya. Dan pada hari ini, program ini akan mempelopori jejak baru, mempersembahkan laporan tahunan pertama kepada ‘pemegang saham’ terpenting GTP, iaitu Rakyat jelata.

“Dalam semangat ketelusan, kebertanggungjawapan dan pendedahan tidak berat sebelah kita akan mengumumkan kepada Rakyat apakah perkembangan GTP melalui laporan tahunan ini,” ulas Najib. “Laporan ini, setahu saya mengandungi penerangan yang tepat mengenai segala kelebihan dan kekurangan dalam usaha untuk mengendalikan GTP dan juga langkah seterusnya untuk memperbaiki lagi segala yang diperlukan agar Rakyat terus didahulukan.”

“Kita mengalu-alukan maklum balas dan sesi dialog dengan orang ramai supaya pengubahsuaian terdekat boleh dilaksanakan untuk 2011 and 2012,” tambah beliau. “Malaysia kini berada di satu persimpangan kritikal dan sekiranya kita ingin terus maju ke depan, perubahan nyata tidak boleh diketepikan lagi. Semua boleh menjadi kenyataan dengan pembaharuan penyampaian perkhidmatan antara dan intra-agensi, pemikiran yang berorientasikan masyarakat dalam sektor awam dan seperti yang disebut sebelum ini, budaya berpretasi tinggi dan unggul.”

“Sekiranya kita impikan pencapaian yang berbeza dan lebih ketara, cara penyelarasan yang diambil juga perlu diubah. Dan sekiranya kita impikan peningkatan menyeluruh yang berkesan dan bukan yang sementara, maka tindakan yang mendadak perlu diambil. Inilah tujuan yang tersirat di dalam GTP” tambah Najib.

Umpama usaha mengurangkan jenayah di mana indeks jenayah negara diturunkan buat kali pertama dalam tempoh empat tahun sebanyak 35peratus dan indeks jenayah jalanan sebanyak 15 peratus untuk keseluruhan merupakan penyusutan paling banyak dalam sejarah negara.

Bagi Bidang Keberhasilan Utama Negara (NKRA) untuk memerangi jenayah rasuah secara habis-habisan, Akta Pemberi Maklumat (Whistleblower Protection Act 2010) telah diperkenalkan tahun lepas sebagai perintis memerangi rasuah dengan lebih holistik. Penggubalan akta ini diharap dapat menghukum mereka yang meyalahgunakan kuasa dengan sewajarnya, selain daripada menggalakan bantuan orang ramai dengan tawaran keselamatan dan kekebalan.

NKRA pendididkan pula bermatlamat memperbaiki keputusan akademik pelajar di mana kerajaan menerajui sistem kedudukan komprehensif sekolah-sekolah bagi memantau pretasi dan kualiti sekolah rendah serta menengah di setiap pelusuk negara. Status khas Sekolah Berpretasi Tinggi (HPS) juga diperkenalkan pada tahun 2010 di mana 14 sekolah menengah and enam sekolah rendah telah layak ditabalkan.

Tahun 2010 juga telah menyaksikan peningkatan paling tinggi sehingga kini di mana lebih daripada 700,000 murid pra-sekolah dimanfaatkan dengan pendidikan awal kanak-kanak. Untuk NKRA Isi Rumah Berpendapatan Rendah (LIH), 44,643 keluarga miskin tegar telah berjaya dibebaskan dari cengkaman serba-kekurangan. Ini adalah inisiatif pembasmian masyarakat miskin yang paling berjaya setakat ini di Malaysia.

Dan bagi memastikan setiap wargenegara dapat menikmati segala faedah pembangunan, NKRA Infrastruktur Asas Luar Bandar (RBI) telah melancarkan inisiatif skala paling besar yang membabitkan dua juta penduduk dengan pembekalan air bersih, kuasa elektrik and pembinaan jalan raya sepanjang 750km.

NKRA Pengangkutan Awam Bandar (UPT) juga tekun dan giat dalam usaha mengurangkan kesesakan di Kuala Lumpur pada tahun 2010. Terminal bersepadu Bandar Tasik Selatan makbul sebagai salah satu hab yang menggabungkan ERL, KTM LRT disiapkan pada Februari 2011 di mana 500 ke 600 bus ekspres akan dialihkan dari ibukota setiap hari.

Penggunaan tren empat-gerabak bagi Aliran Kelana Jaya dengan 2.43 juta pengguna turut meringankan bebanan trafik selain menyediakan perkhidmatan selesa kepada semua.

Kerajaan juga tidak mengabaikan isu kebertanggungjawapan dan justeru itu, menteri-menteri kabinet dipilih dan diamanahkan dengan NKRA yang berlainan dan perkembangan mereka akan diawasi oleh Bidang Keberhasilan Utama Kementerian (MKRAs) dan Petunjuk Prestasi Utama Kementerian (MKPIs) di mana sasaran-sasaran yang tertakrif mesti dicapai, dikaji and diteliti Perdana Menteri dua kali setahun.